



KEMENTERIAN PENDIDIKAN MALAYSIA

KURIKULUM STANDARD SEKOLAH MENENGAH

# Bahasa Kadazandusun

Dokumen Standard Kurikulum dan Pentaksiran

## Tingkatan 3





KEMENTERIAN PENDIDIKAN MALAYSIA

**KURIKULUM STANDARD SEKOLAH MENENGAH**

# **Bahasa Kadazandusun**

**Dokumen Standard Kurikulum dan Pentaksiran**

## **Tingkatan 3**

Bahagian Pembangunan Kurikulum  
Kementerian Pendidikan Malaysia

APRIL 2017

Terbitan 2017

© Kementerian Pendidikan Malaysia

Hak Cipta Terpelihara. Tidak dibenarkan mengeluarkan mana-mana bahagian artikel, ilustrasi dan isi kandungan buku ini dalam apa jua bentuk dan dengan cara apa jua sama ada secara elektronik, fotokopi, mekanik, rakaman atau cara lain sebelum mendapat kebenaran bertulis daripada Pengarah, Bahagian Pembangunan Kurikulum, Kementerian Pendidikan Malaysia, Aras 4-8, Blok E9, Parcel E, Kompleks Pentadbiran Kerajaan Persekutuan, 62604 Putrajaya.

## KANDUNGAN

Rukun Negara.....	v
Falsafah Pendidikan Kebangsaan .....	vi
Definisi Kurikulum Kebangsaan .....	vii
Kata Pengantar.....	ix
Kopointutunan .....	1
Hizab.....	2
Dimpoton.....	2
Dingkai Kurikulum Standard Sikul Pintangan.....	3
Hontolon.....	5
Kabaalan Abad Ko-21.....	5
Kabaalan Momusorou Taang Takawas.....	7
Strategi Pongia'an om Pambalajalan.....	9
Elemen Morentas Kurikulum.....	12
Pontaksiran Sikul .....	16
Ponguludan Ponuangan .....	19
Kabaalan Mokinongou om Moboros.....	26

Kabaalan Mambasa'.....	32
Kabaalan Monuat.....	37
Aspek Kolumison Boros.....	42
Aspek Puralan Boros.....	44
Panel Minomonsoi.....	47
Koponongkotohuadanan.....	47



## **RUKUN NEGARA**

BAHAWASANYA Negara kita Malaysia mendukung cita-cita hendak:  
Mencapai perpaduan yang lebih erat dalam kalangan seluruh masyarakatnya;  
Memelihara satu cara hidup demokratik;  
Mencipta satu masyarakat yang adil di mana kemakmuran negara  
akan dapat dinikmati bersama secara adil dan saksama;  
Menjamin satu cara hidup yang liberal terhadap tradisi-tradisi  
kebudayaannya yang kaya dan berbagai corak;  
Membina satu masyarakat progresif yang akan menggunakan  
sains dan teknologi moden;

MAKA KAMI, rakyat Malaysia, berikrar akan menumpukan seluruh tenaga dan usaha kami untuk mencapai cita-cita tersebut berdasarkan atas prinsip-prinsip yang berikut:

**KEPERCAYAAN KEPADA TUHAN  
KESETIAAN KEPADA RAJA DAN NEGARA  
KELUHURAN PERLEMBAGAAN  
KEDAULATAN UNDANG-UNDANG  
KESOPANAN DAN KESUSILAAN**



## **KOTUNUDAN POGUN**

Pogun tokou Malaysia nopo nga' kipongia'an do hizab do:  
Sumigampot montok piisaan di topiot id taatanga' do tulun ginumuan;  
Manampasi do iso' ralan pogiigion di demokratik;  
Moniudong do iso' tinimungan tulun mogiigion di aadang id nombo do kasanangan Pogun  
aanu mogibaabagi miampai do aadang o kalaalahano';  
Manahak kopontontuan kalansanan miampai poingukab ginawo doid kopogisuusuaian  
om mogikaakawo koubasanan sandad;  
Moniudong do iso' tinimungan tulun mogiigion di muu'-buu' i momoguno do  
sains om teknologi doun kawawagu.

MANTAD NODII DILO', YAHAI, tulun do Malaysia, dumandi do monolinoos do sawiawi' o lokis om  
pinggisamaan do sumigampot do hizab diti tumanud do Prinsip id siriba':

**KOTUMBAYAAN ID KINOINGAN  
TUMUMBOYO' DOID LAJA' OM POGUN  
KOMIYO'ON DOID KUASA' DO KOOTURAN POGUN  
KOIMOYO'ON DO KUASA' UNDANG UNDANG  
KAPAMANTANGAN OM KINITUNGAN**



## **FALSAFAH PENDIDIKAN KEBANGSAAN**

“Pendidikan di Malaysia adalah suatu usaha berterusan ke arah lebih memperkembangkan potensi individu secara menyeluruh dan bersepadu untuk melahirkan insan yang seimbang dan harmonis dari segi intelek, rohani, emosi dan jasmani, berdasarkan kepercayaan dan kepatuhan kepada Tuhan. Usaha ini adalah bertujuan untuk melahirkan warganegara Malaysia yang berilmu pengetahuan, berketerampilan, berakhlak mulia, bertanggungjawab dan berkeupayaan mencapai kesejahteraan diri serta memberikan sumbangan terhadap keharmonian dan kemakmuran keluarga, masyarakat dan negara”

Sumber: Akta Pendidikan 1996 (Akta 550)

## **FALSAFAH PAMBALAJALAN POGUN**

“Pambalajalan id Pogun Malaysia nopo nga' iso' pinggisaman di potilombus montok popoburu' sawi-awi' potensi do tosongulun om nogi' montok momolodi' do songulun di osulimbang om osinonod id intelek, korusadan, ginua' ginawo om kotinano', poinsondot noogi' o kotumbayaaan om kotunjukan kumaa Minamangun. Pinggisaman diti kituduan do momolodi' tinaru Malaysia di kitoilaan, kilompu', kiwoyo' tolinuud, kitonggungan om koimau do momodimpot kohingkangan koposion om kaanu manakadai id kotoonongon om kopuawangan do paganakan sondii', tinaru om pogun.”

Tadon: Akta Pendidikan 1996 (Akta 550)

## **DEFINISI KURIKULUM KEBANGSAAN**

### **3. Kurikulum Kebangsaan**

(1) Kurikulum Kebangsaan ialah suatu program pendidikan yang termasuk kurikulum dan kegiatan kokurikulum yang merangkumi semua pengetahuan, kemahiran, norma, nilai, unsur kebudayaan dan kepercayaan untuk membantu perkembangan seseorang murid dengan sepenuhnya dari segi jasmani, rohani, mental dan emosi serta untuk menanam dan mempertingkatkan nilai moral yang diingini dan untuk menyampaikan pengetahuan.

Sumber: Peraturan-Peraturan Pendidikan (Kurikulum Kebangsaan) 1997

[PU(A)531/97.]

## KOINTALANGAN KURIKULUM KEBANGSAAN

### 3. Kurikulum Kebangsaan

(1) Kurikulum Kebangsaan nopo nga' iso' program pambalajalan id nonggo poinhanggum no ngaawi' o abaabayan kurikulum om ko-kurikulum i papaamung do saawi-awi' toilaan, kabaalan, norma, woyo', tungkus koubasanan om kotumbayaan montok monguhup id koburuon di poimponu' do tosoosongulun tanak id aspek koinano', korusadan, pomusarahan om ginua' ginawo om nogi' montok mananom om popoingkawas kowoowoyoo' moral i oponsol montok popolombus toilaan”

Tadon : Peraturan-Peraturan Pendidikan (Kurikulum Kebangsaan) 1997

[PU(A)531/97.]

## **KATA PENGANTAR**

Kurikulum Standard Sekolah Menengah (KSSM) yang dilaksanakan secara berperingkat mulai tahun 2017 akan menggantikan Kurikulum Bersepadu Sekolah Menengah (KBSM) yang mula dilaksanakan pada tahun 1989. KSSM digubal bagi memenuhi keperluan dasar baharu di bawah Pelan Pembangunan Pendidikan Malaysia (PPPM) 2013-2025 agar kualiti kurikulum yang dilaksanakan di sekolah menengah setanding dengan standard antarabangsa. Kurikulum berasaskan standard yang menjadi amalan antarabangsa telah dijemakan dalam KSSM menerusi penggubalan Dokumen Standard Kurikulum dan Pentaksiran (DSKP) untuk semua mata pelajaran yang mengandungi Standard Kandungan, Standard Pembelajaran dan Standard Prestasi.

Usaha memasukkan standard pentaksiran di dalam dokumen kurikulum telah mengubah lanskap sejarah sejak Kurikulum Kebangsaan dilaksanakan di bawah Sistem Pendidikan Kebangsaan. Menerusinya murid dapat ditaksir secara berterusan untuk mengenal pasti tahap penguasaannya dalam sesuatu mata pelajaran, serta membolehkan guru membuat tindakan susulan bagi mempertingkatkan pencapaian murid.

DSKP yang dihasilkan juga telah menyepadukan enam tunjang Kerangka KSSM, mengintegrasikan pengetahuan, kemahiran dan

nilai, serta memasukkan secara eksplisit Kemahiran Abad Ke-21 dan Kemahiran Berfikir Aras Tinggi (KBAT). Penyepaduan tersebut dilakukan untuk melahirkan insan seimbang dan harmonis dari segi intelek, rohani, emosi dan jasmani sebagaimana tuntutan Falsafah Pendidikan Kebangsaan.

Bagi menjayakan pelaksanaan KSSM, pengajaran dan pembelajaran guru perlu memberi penekanan kepada KBAT dengan memberi fokus kepada pendekatan Pembelajaran Berasaskan Inkuiri dan Pembelajaran Berasaskan Projek, supaya murid dapat menguasai kemahiran yang diperlukan dalam abad ke-21.

Kementerian Pendidikan Malaysia merakamkan setinggi-tinggi penghargaan dan ucapan terima kasih kepada semua pihak yang terlibat dalam penggubalan KSSM. Semoga pelaksanaan KSSM akan mencapai hasrat dan matlamat Sistem Pendidikan Kebangsaan.

**Dr. SARIAH BINTI ABD. JALIL**

Pengarah

Bahagian Pembangunan Kurikulum



## KOPOINTUTUNAN

Noulud o Kurikulum Standard Boros Kadazandusun Sikul Pintangaan diti sabaagi iso' kotilombusan kopongi'an do mato palajalan Boros Kadazandusun mantad Kurikulum Standard Sikul Tosiriba'.

Koindalan o kopongia'an do Kurikulum Boros Kadazandusun diti sabaagi iso' mato palajalan elektif id sikul pintangaan. Po'ia'on iti kumaa tangaanak mantad tinaru Kadazan om Dusun om nogi' tangaanak mantad tinaru suai i aanangan misingilo do boros diti.

Noulud o Kurikulum Standard Boros Kadazandusun Sikul Pintangaan diti maya' teori ponginabasan boros koduo. Noulud noogi' o kurikulum diti tumanud ponginsamakan woyo' modular i manahak do panatalan kumaa kabaalan boros, kopongorotian do sistom boros om kotilombusan do tungkus koubasanan om toilaan sandad do tinaru Kadazan om Dusun.

Suai ko mantad dilo', haro nogi' mogikaakawo prinsip, strategi om taksonomi kopongia'an om pambalajalan boros di notimbang om naanu id ponguludan do kurikulum diti.

Nowonsoi o kurikulum diti montok popoigkawas toilaan om kabaalan do tangaanak kokomoi do boros om tungkus koubasanan tinaru Kadazan om Dusun. Kopihuyud iti do *Aspirasi Murid id Pelan Pembangunan Pendidikan Malaysia 2015-2025*: manahak kosiwatan kumaa tangaanak do misingilo do boros mantad tinaru suai.

Noulud nogi' o kurikulum diti montok popotingdohoi do woyo' tolinuud om koulaalaho' di tosonong id tangaanak mooii do kaanu nodii yolo' momogompi om popotilombus do tungkus koubasanan om toilaan sandad tinaru Kadazan om Dusun.

Poinsondui nogi' id ponguludan do Kurikulum diti o hizab do *Rukun Negara, Dasar Pendidikan Kebangsaan om Falsafah Pendidikan Negara*. Mantad no dilo' do noulud iso' kurikulum di kopongunsub do piunungan om kotonongon toinsanan tinaru id pogun Malaysia suai ko' kaanu popoingkawas do koburuon koinanon, topurimanan, korusadan, om intelek.

**HIZAB**

Winonsoi o Kurikulum Standard Boros Kadazandusun Sikul Pintangaan diti montok manahak kosiwatan kumaa tangaanak mantad tinaru Kadazan, Dusun om tangaanak mantad tinaru suai i aanangan minsingilo do boros diti do monginobos om popotilombus pomogunaan boros Kadazandusun. Suai ko dilo', hizabon noogi' do kurikulum diti o kopoigkawasan do toilaan kokomoi kointutunan, tungkus koubasanan om toilaan sandad do tinaru Kadazan om Dusun mooi do au' nodii atagak om ogompi toririmo.

**DIMPOTON**

Poia'on o mato palajalan Boros Kadazandusun id sikul pintangaan montok momolodi' tangaanak di kitoilaan takawas,

kikabaalan Abad Ko-21, kiwoyoo' tolinuud om i oupus do tungkus koubasanan. Suai ko' mantad dilo' olodi' noogi' daa o tangaanak di koilo momogono' om momoguno pomusarah taang takawas montok monoina' koposion tikid tadau, koposion timpu dumontol om soira' kotoguang om monolibamban do kobolingkangan. Pointayad id siriba' diti iso' nuyudan dimpoton montok momodimpot do hizab do mato palajalan Boros Kadazandusun

**Id kolimpupuson do Tingkatan 5, kaanu o tangaanak**

1. Maganu mogikaakawo koilaan mantad mogisuusuai tadon.
2. Popokito toilaan momoguno mogikaakawo kabaalan montok mongompuri do koilaan di naanu.
3. Momoguno koilaan di naanu montok mogisuai-suai kohuboyoon.
4. Popolombus koilaan miampai momoguno boros di kotunud, loyuk di olinuud om ayat di agramatis id komunikasi lisan toi ko' ponuatan.
5. Popotunud pomogunaan do Puralan Boros id lisan toi ko' ponuatan.
6. Monoriuk om monginonong koilaan kokomoi tungkus koubasanan tinaru Kadazan om Dusun.
7. Popokito pomogunaan do kabaalan abad ko-21 soira' popoindalan do aktiviti pambalajalan.




**Id kolimpupuson do Tingkatan 3, kaanu o tangaanak**

- 1.Momoguno mogikaakawo kabaalan boros montok maganu koilaan mantad mogikaakawo tadon.
- 2.Momoguno mogikaakawo kabaalan boros montok manahak tisuli' kumaa koilaan di naanu mantad mogikaakawo tadon.
- 3.Momoguno mogikaakawo kabaalan boros montok popolombus koilaan di aanu mantad mogikaakawo tadon.
- 4.Miintoraksi om mikomunikasi id lisan om ponuatan miampai momoguno ayat di agramatis om olinuud.
- 5.Momoguno ayat di agramatis om olinuud soira' popolombus do ponuhuan, tangon om ponurubungan.
- 6.Momoguno ayat di agramatis om olinuud soira' monuat do ponuhuan, tagon, sinding, suat, rencana om ponurubungan.
- 7.Popoidalan mogikaakawo aktiviti montok monginonong koilaan kokomoi tungkus koubasanan tinaru Kadazan om Dusun.

**DINGKAI KURIKULUM STANDARD SIKUL PINTANGAAN KSSM**

Nowonsoi o dingkai do KSSM diti maya' kopiongkungan do onom torigi montok momolodi' sosongulun di osulimbang id aspek koinano', ginua' ginawo, korusadan om intelek di okreatif, okritis om inovatif. Poinnungkad o onom torigi diti id gana' toilaan, kabaalan om woyoo' di impohonon montok popotounda' do *modal insan*.

Torigi nopo di nokomoi nga' Komunikasi, Koburuon koinano' om Estetika, Kotulunan, Koimatuan, Sains & Teknologi om noogi' Korusadan, Koulaalaho' om Woyo'. Naandang om notimbang o suang do torigi ngaawi' diti id pamansayan do Kurikulum Boros Kadazandusun. Okito miagal id Rajah 1 o kotolinahasan om kopisougkahan do koonom-onom torigi diti.



Rajah 1: Dingkai Kurikulum Standard Sikul Pintangaan

## HONTOLON

Montok momodimpot do hizab, om dimpoton do mato palajalan diti, noulud o kurikulum Boros Kadazandusun di poposontol do aktiviti kopongia'an om pambalajalan di kaanu popoigkawas do kabaalan boros miagal ko' kabaalan mokinongou, moboros, mambasa' om monuat. Suai ko' mantad dilo' ponginabasan do toilaan sistem boros Kadazandusun om kabaalan monoriuk om mongilo tungkus koubasanan om toilaan sandad do tinaru nga' onuan noogi' do panatalan di poinponu'. Sawi-awi' kabaalan om toilaan diti poia'on maya' pongia'an om pambalajalan abad Ko-21.

## KABAALAN ABAD KO-21

Poia'on o mato palajalan Boros Kadazandusun maya' pongia'an om pambalajalan Abad Ko-21. Pongia'an om pambalajalan maya' do pomogunaan Kabaalan Abad Ko-21 nopo diti nga' kituduan do momolodi' do tangaanak di kiprofil miagal di pointayad id Jo<sup>du</sup>al 1.

Jo<sup>du</sup>al 1: Kointalangan kokomoi Kabaalan Abad Ko-21

PROFIL TANGAANAK	KOINTALANGAN
<b>Kikataan</b>	Kikotumbayaan id sondii' om abaal do monoguang om monolibamban do kobolingkangan miampai kopurimon woyo' toleransi om empati.
<b>Kikabaalan Takawas id komunikasi</b>	Kikotumbayaan id sondii', okreatif om kikabaalan takawas id komunikasi lisan om ponuatan montok popoboros om popolombus do pomusarahan, topurimanan, sogu' om toilaan miampai momoguno mogikaakawo media om teknologi.

PROFIL TANGAANAK	KOINTALANGAN
<b>Momiimikil</b>	Kipomusarahan di okritis, okreatif om inovatif, kaanu monoguang nunu-nunu nopo kobolingkangan om kaanu maganu kootusan di kietika. Momusorou kokomoi do ponginabasan om kopurimon do fungsi diolo' sabaagi songulun mongiinginobos. Toriirimo poposogu' ponguhatan om poingukab o ginawo kumaa perspektif, woyo' om koubasanan do tulun suai om nogi' kumaa isoiso' tinimungan. Kikotumbayaan id sondji' om okreatif id gana' ponginabasan wagu.
<b>Momonsoi Buruanon id Tinimungan</b>	Agaan ginawo monguhup do wokon momongo isoiso' buruanon, kopurimon do tonggungan momongo do buruanon diri miapai tambalut suai id tinimungan. Mamantang om monongkotoluad do ponguhupan do wokon. Kabaalan interposonol di aanu maya' aktiviti kolaboratif, kaanu mamadadi diolo' songulun di milo lansanon om songulun puu di tosonong do tinumungan diolo'.

PROFIL TANGAANAK	KOINTALANGAN
<b>Aanangan Minsingilo</b>	Aanangan minsingilo montok mogihum strategi om idea wagu. Minsingilo yolo' do kabaalan wagu montok papapanau do aktiviti inkuiri om ponoriukan. Popokito nogi' yolo' do woyoo' minsoosondii' id pambalajalan. Kikahantalan yolo' do pambalajalan potilombus id koposion.
<b>Kiprinsip</b>	Poingigit toririmo yolo' do prinsip songulun di apatong, otulid ginawo, aadang om mamantang kopio do tulun suai toi ko' isoiso' tinimungan. Kopurimon yolo' toririmo do tonggungan diolo' kokomoi nunu nopo koimaan om kootuson di naanu diolo'.
<b>Kitoilaan</b>	Aparagat yolo' maganu om mangarati' mogikaakawo toilaan mantad mogikaakawo gana' toilaan. Kibogui nogi' yolo' mogihum koilaan di opinto id konteks do suang om labus pogun. Kopurimon toririmo do isu-isu kokomoi etika om kooturan kokomoi do koilaan di naramit.

PROFIL TANGAANAK	KOINTALANGAN
<b>Obingupus</b>	Toririmo yolo' popokito woyo' songulun di kiwoyoo' empati, obinsianan om mamantang do pokionuon om topurimanan do wokon. Ouli' yolo' id kotompunan kumaa do wokon om toririmo momogompi posorili' diolo' mooi do atampasi sogiigisom.
<b>Patriotik</b>	Toririmo popokito upus, sokodung om pamantangan kumaa pogun sondii'

### KABAALAN MOMUSOROU TAANG TAKAWAS (KMT)

Kabaalan Momusorou Taang Takawas nopo nga' iso' kogisaman montok momoguno toilaan, kabaalan om woyo' toluud id proses momogono' montok monolibamban kobolingkaangan, soira' maganu kootuson om kiwoyo' inovasi om kikogisaman montok momudali' isoiso' asil. Kabaalan nopo di poinhanggum id KMTT diti nga' miagal di okito id Jodual 2

Jodual 2: Kointalangan kokomoi KMTT

KMTT	KOINTALANGAN
<b>Kabaalan Momoguno</b>	Momoguno toilaan, kabaalan om woyoo' tolinuud id mogisuai-suai koyuyuyuon montok monoina' isoiso' tainaon.
<b>Kabaalan Mongompuri</b>	Nomompipi' do koilaan montok mangarati' kopio nunu komoyon do koilaan dii om nogi' montok monoinu' pisougkahan do iso' om tiso' koilaan.

KMTT	KOINTALANGAN
<b>Kabaalan Manahang</b>	Momiadang, maganu kootuson om kaanu manahak pounayan montok isoiso' ahal miampai momoguno kabaalan, toilaan, nawawayaan sondii' om woyo' toluud.
<b>Kabaalan Monupu'</b>	Poposogu' iso' idea toi ko' momudali' isoiso' asil di okreatif om kiwoyoo' inovatif.

KMTT nopu nga' iso' kogisaman do momoguno toilaan, kabaalan om woyoo' tolinuud id proses momogono' montok monolibamban kobolingkaangan, soira' maganu kootuson om kiwoyo' inovasi om kikogisaman montok momudali' isoiso' asil.

Kabaalan nopu di poinhanggum id KMTT diti nga': kabaalan momusorou di okritis, okreatif om kaanu momogono' om kaanu popokito do pomogunaan do strategi id proses momusorou.

Kabaalan Momusorou di Okritis nopu nga' kokomoi do kabaalan manahang di ologik om aandang kumaa isoiso' pomurangadan di pinosogu' do wokon montok gunoon id proses monimbang isoiso'

ahal. Montok iso' proses ponimbangan di aandang, mositi no do morujuk do kointahangan om bukti di aadang.

Kabaalan Momusorou di Okreatif nopu nga' kokomoi do kogisaman montok momudali' isoiso' asil di minomoguno do kabaalan imaginasi om koilaan sandad di poimpidan mantad do wokon.

Kabaalan Momogono' nopu nga' kogisaman do tosoosongulun monimbang om manahang isoiso' ahal.

Strategi Momusorou nopu nga' kokomoi do koulalaho' tongosoosongulun do mongulud ralan momusorou di kifokus montok monolibamban do isoiso' kobolingkangan.

Kawasa' do guno'on o KMTT id aktiviti pongia'an om pambalajalan id kalas. Asawangan o KMTT diti maya' aktiviti pambalajalan di kiwoyoo' momogono' miagal ko pambalajalan inkuiri, ponolibambanan do kobolingkangan om nogi' maya' kalaja' projek. Mositi no do momoguno o mongingia' om tangaanak ngaawi' do kakamot pomusarahan miagal do peta pomusarahan om pongudio di kitaang takawas mooi do kounsub o tangaanak do momusorou.

## STRATEGI PONGIA'AN OM PAMBALAJALAN

Winonsoi o Kurikulum Standard Sikul Pintangaan toi ko' Kurikulum Standard Sekolah Menengah (KSSM) Boros Kadazandusun diti montok manahak kotilombusan ponginabasan Boros Kadazandusun mantad sikul tosiriba' gisom id sikul pintangaan takawas. Pinosongdiu do konsep monginobos koilaan touhai o pongia'an do KSSR Boros Kadazandusun, montok kopongia'an do KSSM nopo diti nga' pinosongdiu mantad konsep *'taking flight'* toi ko' kotimpunaan do ponginabasan boros di lobi akawas. Ponginabasan do Boros Kadazandusun id KSSM nopo diti nga' poposontol do ponginabasan boros id kohuboyoon di kirati' miampai papaamung sawi-awi' toilaan, kabaalan on woyo' tolinuud do Boros Kadazandusun i kaanu manahak kosiwatan kumaa tangaanak minsingilo maya' aktiviti pambalajalan Abad Ko-21.

### Prinsip do Pedagogi Kurikulum Standard

Pinosongdiu do prinsip pedagogi miagal di pointayad id siriba' o pongia'an om pambalajalan do KSSM Boros Kadazandusun :

## Pambalajalan Abad Ko-21.

Poia'on o mato palajalan Boros Kadazandusun maya' pongia'an om pambalajalan Abad Ko-21. Odimpot iti maya' pomogunaan do teknologi, media om digital id aktiviti pongia'an om pambalajalan id kelas. Posontolon id aktiviti pambalajalan do tangaanak o pambalajalan maya' kolaborasi, ponoriukan om pomogunaan do data. Posontolon noogi' o pomogunaan do pomusarahan id taang takawas, okritikal om okreatif id ponolibambanan do isoiso' isu. Mogihup-uhup do manahak toi ko' poposogu' do pomusarahan om ponguhatan miampai aga'an ginawo nga' iso' woyo' do aktiviti pambalajalan Abad Ko-21.

### Komunikatif

Pinosongdiu o impohon pambalajalan di kirati' om kikohuboyoon di otopot o pongia'an di kiwoyo' komunikatif. Poindalanon o aktiviti mikomunikasi miampai momoguno isu di otopot id koposion tikid tadau do tangaanak miagal ko' kinantakan liyud. Maya' aktiviti komunikatif diti, kaanu do kikosiwatan o tangaanak ngaawi' do mogibooboros om mogipaapakat montok maganu kootuson om mogihum ralan ponolibamban do isoiso' isu toi ko' kobolingkangan.

### **Pambalajalan Koperatif**

Odimpot o woyoo' pambalajalan koperatif maya' aktiviti di manahak do kosiwatan kumaa tangaanak do mogipaapakat om mogiuhup-uhup do momonsoi om momongo do isoiso' toina'on. Kawasa' do poindalanon do mongingia' o aktiviti tinimungan id nonggo toisoiso' tangaanak id tinimungan dii mositi no do onuan to tonggungan toi ko' totoina'on.

### **Pambalajalan Aktif**

Unsubon o mongingia' do popoia' kumaa tangaanak o mato palajalan Boros Kadazandusun diti maya' pambalajalan aktif. Odimpot o pambalajalan aktif maya' aktiviti mambasa', monuat om noogi' maya' aktiviti pogibaabaran di kounsub do tangaanak do mongompuri, monsintesis om manahang do isoiso' koilaan toi ko' ahal. Unsubon o mongingia' do mamalan aktiviti pambalajalan i manahak kosiwatan kumaa tangaanak do monolibamban kobolingkangan, monoriuk kes om momoguno do simulasi.

### **Pambalajalan Maya' Ponolibambanan Kobolingkangan**

Paatagon noogi' kumaa' do mongingia' ngaawi' do popoindalan do pongia'an om pambalajalan do Boros Kadazandusun diti momoguno do pambalajalan maya' ponolibambanan kobolingkangan. Odimpot iti maya' aktiviti id kelas di mongunsub to tangaanak do mooguno pomusarahan om kabaalan momogono' montok manahak ponolibamban kumaa isoiso' ahal toi ko' kobolingkangan.

### **Pambalajalan Maya' Pamansayan Projek**

Balajal maya' pamansayan projek nopo nga' iso' ponginsamakan pongia'an di manahak kosiwatan kumaa tangaanak do monorimo toilaan om kabaalan maya' ponoriukan, pongintangan om noogi' maya' respon di otoinu' montok isoiso' penguhatan, ahal toi ko' kobolingkangan.

### **Konstruktif**

Unsubon o mongingia' do mongia' momoguno pongia'an kiwoyo' konstruktif mooi do kopongunsub do tangaanak do momoguno toilaan sandad diolo' montok kopogonuan do toilaan wagu'. Odimpot o hizab do pambalajalan diti maya' aktiviti pambalajalan tangaanak o tontokon miagal ko' monolibamban isoiso' kobolingkangan toi ko' id aktiviti ponoriukan sondji'.



### **Monginobos soosondii'**

Posuulon noogi' kumaa' do mongingia' do mato palajalan diti do manahak kosiwatan kumaa do tangaanak do monginobos do Boros Kadazandusun maya' ponginabasan soosondii'. Monginobos soosondii' nopo nga' iso' proses, ponginsamakan om noogi' falsafah di poinsondu id kotumbayaan do tangaanak nopo nga' kaanu toi ko' kotoimo do isoiso' toilaan maya' bogui om lonzo soosondii'. Maya' diti kaanu nogi' o tangaanak do popoingkawas do kabaalan diolo' id ponoriukan, panahangan, pogihuman om ponimungan koilaan om id pogonuan kootusan. Monginobos soosondii' diti kopongunsub do tangaanak do balajal om monginobos tumanud lonzo sondii' maya' ponguhupan do ICT montok momongo do kalaja' sikul om projek.

### **Pambalajalan Maya' Pongingumuan Totoina'on**

Balajal maya' ponginggu'muan do totoina'on nopo nga' iso' ponginsamakan kawawagu i kopongunsub do tangaanak do momonsoi om momongo isoiso' totoina'on do soosondii'. Mooi do odimpot o hizab do pambalajalan diti, kawasa' o mongingia' do mamalan aktiviti toi ko' manahak aktiviti kumaa tangaanak do momonsoi poster, momolukis mural, momongo tinunturu' toi ko' monoodo do video klip.

### **Pambalajalan Maya' Kopongudian (Inquiry)**

Pambalajalan maya' kopongudiaan nopo nga' iso' kawo pambalajalan di poposontol do kaampayatan sawi-awi' tangaanak do mogihum om monoriuk soosondii' do koilaan kokomoi do iso-iso' ahal toi ko' kinaantakan. Aktiviti pogihuman om ponoriukan nopo diti nga' sistematik, okritis om analitis. Minggisom o tangaanak do mogihum om monoriuk do koilaan gisom no do kointutuk do sisimbar toi ko' kootusan, mantad no dii diti do kaanu nodii o tangaanak do manahak do rumusan soosondii' kokomoi do ponoriukan dilo' dii.

## ELEMEN MORENTAS KURIKULUM (EMK)

Poinsuang nopo do EMK nga' iso' nuyudan kabaalan, toilaan toi ko' woyoo' tolinuud di poruhangon id proses pongia'an om pambalajalan. Nopili' o elemen ngaawi' diti mantad mogikaakawo gana' toilaan. Pasangadon o elemen ngaawi' diti kumaa do tangaanak sikul montok momogonop do kabaalan, toilaan om woyoo' tolinuud diolo'. Oponsol iti montok momolodi' iso' tinaru pakakalaja' di kikabaalan om kitoilaan montok popoburu do ekonomi pogun. Oguno noogi' o kabaalan, toilaan om woyoo' tolinuud diti soira' kotoguang do kobolingkangan id koposion tikid tatau om noogi' montok gunoon id koposion do timpu dumontol. Elemen-elemen nopo di nopili' nga' miagal id pointayad:

### 1. Boros

- Oponsol kopio o pomogunaan do boros di kotunud, oulud om olinuud id kopongia'an do sawi-awi' mato palajalan. Unsubon o mongingia' ngaawi' do toriirimo momoguno do boros di kotunud, oulud om olinuud moo do kopongunsub kumaa tangaanak do toriirimo momoguno do boros di agramatis om olinuud id komunikasi diolo'.

- Suai ko' mantad dii, koponguhup noogi' iti do tangaanak do mongulud om popolombus idea di topinto maya' komunikasi di efektif.

### 2. Kotomposianan Kinoyonon Posorili'

- Mositi no do pasangadon id aktiviti pongia'an om pambalajalan do sawi-awi' mato palajalan o koilaan kokomoi manampasi om mintamong do kinoyonon posorili' tokou.
- Oponsol do potonomon o toilaan om sunduan nampasi do kinoyonon posorili' moo do kopurimon toriirimo o tangaanak do oupus om mintamong do kinoyonon posorili' diolo'.

### 3. Woyo' Tolinuud

- Posontolon id sawi-awi' mato palajalan o woyoo' tolinuud moo do kopurimon om kiwoyoo' tolinuud toririmo o tangaanak.
- Poinhanggum nopo do woyoo' tolinuud diti nga' kokomoi do aspek korusadan, kotulunan om sunduan mamaamasok.

#### 4. Sains om Teknologi

- Koingkawas o literasi Sains om toilaan Teknologi do tangaanak maya' pomogunaan do bakaang sains om teknologi id proses pongia'an om pambalajalan.
- Suai ko' mantad dilo', kopongunsub noogi' o bakaang ngaawi' diti doid pambalajalan di efektif om efisyen.
- Pisungkahan do toilaan Sains om Teknologi id pongia'an om pambalajalan poposontol do 4 ahal:
  - (i) Toilaan kokomoi Sains om Teknologi (fakta, prinsip, konsep di kokomoi do toilaan Sains om Teknologi);
  - (ii) Kabaalan saintifik (kokomoi iso-iso' proses momusorou om kabaalan manipulatif );
  - (iii) Koulaalaho' di pomsaintifik (kotunud, kotulidan ginawo, koumoligan); om
  - (iv) Pomogunaan bakaang teknologi id aktiviti pongia'an om pambalajalan.

#### 5. Patriotisme

- Kasandang o sunduan patriotik maya' kampanyatan do tangaanak id aktiviti pambalajalan do sawi-awi' mato palajalan om noogi' maya' kampanyatan doid aktiviti

- kokurikulum om aktiviti monompuan do mogiigiyon posorili' diolo'.
- Sunduan patriotik diti kaanu momolodi' do tangaanak di oupus do pogun sondii' om ounsikou toriirimo sabaagi songulun mamaamasok id pogun Malaysia.

#### 6. Kreativiti om Inovasi

- Kreativiti nopo nga' kokomoi do kogisaman momoguno do imaginasi montok monimung, mongompuri om poposogu' do isoiso' idea toi ko' momudali' asil kawawagu di poimpidan mantad do wokon.
- Inovasi nopo nga' kokomoi do pomogunaan do pomusarahan di okreatif montok monimban, monginwasi' om momoguno do idea di nokosogu'.
- Kreativiti om inovasi nopo nga' duo kabaalan di sopintanud om oponsol montok momolodi' tinimungan pakaakalaja' di kaanu monompuan om monoina' do koposion id Abad ko-21 diti.

## 7. Pongingdopuan

- Mositi nogi' do pasandadon o kabaalan di oguno id pongingdopuan mooi do katanom nodii o koulaalaho' songulun mongiingindapu' di nakalantoi id tangaanak ngaawi'.
- Iri nodii do unsubon ngaawi' o mongingia' do poposisip woyoo' tolinuud do songulun mongiingindapu' id proses pongia'an om pambalajalan. Woyoo' nopo ngaawi' dii nga' miagal ko' abagos, otulid ginawo, milo lansanon om kitonggungan. Suai ko' mantad dilo' unsubon nogi' o mongingia' do toriirimo popoburu' do pomusarahan di okreatif om inovatif id tangaanak mooi do kaanu nodii yolo' poposogu' idea di topinto.

## 8. Teknologi Koilaan om Pionitan

- Momoguno do bakaang teknologi koilaan om pionitan id proses pongia'an om pambalajalan kaanu papapanggor toilaan om kabaalan do tangaanak do momoguno teknologi timpu baino.
- Momoguno do toilaan kokomoi teknologi toilaan om pionitan diti noogi' kopongunsub do pomusarahan di okreatif do tangaanak, kaanu poposodia' proses pongia'an om

pambalajalan di kagayat do kaanangan do tangaanak om kaanu nogi' popoingkawas do kualiti pambalajalan.

## 9. Kotomposianan Global

- Kituduan o Elemen Kotomposian Global diti do momolodi' do tangaanak di koilo momusorou om kiwoyoo' responsif kumaa kotomposian om kotilombusan do posorili' id koposion do tikid takau miampai momoguno toilaan, kabaalan om woyoo tolinuud di naanu mantad elemen Kotomposian Pomogunaan om Pomounan, Mamamasok Global om Pisompuruan
- Kiguno o Elemen Kotomposian Global diti montok poposodia' do tangaanak do tumoguang do kobolingkangan om isu di otoguang id posorili', pogun om global.
- Iri nodii do unsubon o mongingia' ngaawi' do poposisip do elemen diti id aktiviti pongia'an om pambalajalan.

## 10. Literasi Kousinan

- Pasandadon o Elemen Literasi Kousinan id pambalajalan do tangaanak mooi do awangun o generasi do timpu dumontol di kikabaalan takawas moganu kootusan kokomoi pomogunaan om ponoina'an kousinan om generasi di

kietika om kopiumon do tonggungan id ahal di kokomoi do ponoina'an kousinan.

- Posisipon o Elemen Literasi Kousinan diti id p&p maya' pomogunaan do tema, uhu toi ko' kabaalan mongintob di kokomoi do kousinan. Koilaan kokomoi ponoina'an kousian id koposion totootopot do tangaanak oponsol do poia'on kumaa do tangaanak ngaawi' mooi do kaanu o tangaanak ngaawi' momoguno do toilaan om kabaalan monoina' kousinan do efektif om kirati'.

## PONTAKSIRAN

Pontaksiran Sikul (PS) nopo nga' iso' kawo ponginsamakan id pontaksiran. Id pontaksiran diti, koindalan iso' proses di monipong om monimung koilaan kokomoi do taang koinabasan do tangaanak. Pontaksiran nopo diti nga' uludon om papanahon do mongingia' om sawi-awi' data toi ko' koilaan di aanu id proses diti posuaton, poopion om poluputon do mongingia' di pinopoin<sup>u</sup>dalan do pontaksiran dii.

Papanahon o proses pontaksiran diti do pointilombus maya' pontaksiran formal om au' formal mooi do kaanu o mongingia' papatantu' do taang koinabasan di totootopot do tangaanak. Oponsol do koindalanan o pontaksiran di kaanu papaamung do prinsip inklusif, id kohuboyoon di pointopot om id kinoyoonon sandad. Gunoon do mononoina' sikul, mongingia', molohing om tangaanak o sawi-awi' koilaan di otimumg mantad do PS diti montok mongulud aktiviti sumusuut di koponguhup id ponginwosian om koingkawasan do pambalajalan do tangaanak.

Kawasa' do papanahon o PS diti maya' pontaksiran formatif om sumatif. Koindalan o pontaksiran formatif miampai proses p&p poinsuai mantad do pontaksiran sumatif tu' koindalan id koowian

do iso-siso' unit pambalajalan, timpu pambalajalan, semester toi ko' id koowian toun.

Montok popoin<sup>u</sup>dalan do PS, oponsol do uludon, wonsoyon, toina'on om toinu'on do mongingia' o item pontaksiran di mipahud do Dokumen Standard om Pentaksiran. Taang koinabasan tangaanak di otimumg mantad proses pontaksiran dii, mositi no do toina'on, posuaton, poopion om poluputon do mongingia' di pinopoin<sup>u</sup>dalan do pontaksiran dii.

Haro duo kawo taang koinabasan di nokosodia' id dokumon diti. Taang Koinabasan Poimbida' om Taang Koinabasan montok isoiso' kabaalan.

### Kointalangan Taang Koinabasan Poimbida'

Noulud o Taang Koinabasan Poimbida' diti montok papatantu' taang koinabasan sosongulun tanak id koowian toun. Gunoon o taang koinabasan di pointayad id jodual 3 montok monipong koinabasan tangaanak id sawi-awi' kabaalan boros. Iri nodii do oponsol do kaanu o mongingia' monipong taang koinabasan do tangaanak maya' ponginamatan professional di poinwoyo' kolektif om holistik.

Jodual 3: Kointalangan kokomoi Taang Koinabsan Poimbida' Mato Palajalan Boros Kadazandusun Sikul Pintangaan

STANDARD PRESTASI	
TAANG	KOINTALANGAN
1 Au' Kodonto	Kaanu momuhondom kawagu koilaan di norongou, nokito toi ko' nabasa'. Koilaan di polombuson, patahakon toi ko' di posuaton au' poingonop. Pomogunaan boros Kadazandusun di au' poingonop.

STANDARD PRESTASI	
TAANG	KOINTALANGAN
2 Songgisom	Kaanu momuhondom om mangarati' koilaan di norongou, nokito toi ko' nabasa'. Koilaan di polombuson, patahakon toi ko' di posuraton kosudong om olinuud. Pomogunaan boros Kadazandusun di songgisom, kosudong om olinuud.
3 Giigina'	Kaanu mangarati' om momoguno koilaan di norongou, nokito toi ko' nabasa'. Koilaan di polombuson, patahakon toi ko' di posuraton kotunud om olinuud. Pomogunaan boros Kadazandusun di giigina', kotunud om olinuud.
4 Awasi	Kaanu mongompuri om momoguno koilaan mantad nunu i norongou, nokito toi ko' nabasa'. Koilaan di polombuson, patahakon toi ko' di posuraton kotunud, oulud om olinuud. Pomogunaan boros Kadazandusun tawasi', kotunud, ouluud om olinuud.

STANDARD PRESTASI	
TAANG	KOINTALANGAN
<b>5 Akawas</b>	Kaanu momoguno koilaan di noompuri om natahang mantad nunu i norongou, nokito toi ko' nabasa'. Koilaan di polombuson, patahakon toi ko' di posuaton opinto, kirati', oulud, olinuud om popokito woyo' pomusarahan di takawas. Pomogunaan boros Kadazandusun di akawas, oulud om olinuud.
<b>6 Nokoinuntu</b>	Kaanu mongompuri, manahang om mongulud koilaan mantad nunu i norongou, nokito toi ko' nabasa'. Koilaan di polombuson toi ko' patahakon opinto, kirati', oulud, olinuud, popokito woyo' pomusarahan di takawas om momoguno idea sondii'. Pomogunaan boros Kadazandusun di nokoinuntu, oulud om olinuud.




## PONGULUDAN PONUANGAN

Poia'on o mato palajalan Boros Kadazandusun diti tumanud ponginsamakan woyo' modular. Ponginsamakan woyo' modular diti kaanu popisoungko toinsanan kabaalan boros di strategik montok tu<sub>u</sub>an do popoingkawas kabaalan boros miagal di poinsurat id Standard Ponuangan om Standard Pambalajalan. Aktiviti pongia'an om pambalajalan nopo nga' mositi no do poinsuang id jodual puun.

## Ponginsamakan Modular

Minagau ponginsamakan woyo' modular o mato palajalan Boros Kadazandusun diti. Suai ko' mantad dilo' noulud noogi' o Kurikulum Boros Kadazandusun diti momoguno do dingkai di poinsong<sub>u</sub> do standard. Maya' ponginsamakan modular, nabaagi o Kurikulum Boros Kadazandusun doid limo modul. Poinsuang nopo do toiso-iso' modul dilo' nga' Standard Ponuangan, Standard Pambalajalan om Standard Prestasi.



Rajah 2: Kointalangan kokomoi ponguludan modul.

## Standard Ponuangan, Standard Pambalajalan om Standard Prestasi

Id suang do Dokumen Standard Kurikulum om Pentaksiran (DSKP) diti poinhanggum o Standard Ponuangan, Standard Pambalajalan om Standard Prestasi.

Jodual 4: Kointalangan kokomoi Standard Ponuangan, Standard Pambalajalan om Standard Prestasi

STANDARD PONUANGAN	STANDARD PAMBALAJALAN	STANDARD PRESTASI
Kointalangan poimbida' kokomoi toilaan, kabaalan om koowoyoo' di milo dimpoton toi ko' inoboson do tangaanak id kolimpupuson do Tingkatan 5.	Kointatapan do kriteria toi ko' indikator kualiti pambalajalan om koinabasan di milo tukuon montok momodimpot isoiso' Standard Ponuangan.	Iso' nuludan kriteria poimbida' di noulud montok popokito taang koinabasan di milo dimpoton toi ko' pokitonon do tangaanak sabaagi panakatanda' do nokoinobos o tangaanak do isoiso' toilaan, kabaalan toi ko' woyoo' di nokoia'.

## Tema

Pinoimpou tema di kosudong montok tangaanak id sikul pintangaan o ponuangan tikid gana' pomogunaan boros id pambalajalan Boros Kadazandusun. Tema nopo ngaawi' di nga':

- Isu Global
- Koilaan Kousinan om Pongindopuan
- Sivik
- Kolidasan

Koilaan Kinoyonon Posorili'

### Kurikulum Boros Kadazandusun Tingkatan 3

Standard Pambalajalan Boros Kadazandusun Tingkatan 3 diti papasanarai taang koilaan, kabaalan, tadampatan om koinabasan boros Kadazandusun di oponsol do dimpoton om inoboson do tangaanak id Tingkatan 3 do sikul pintangaan.

Kabaalan Mokinongou om Moboros

Pinosongdu o ponguludan do Standard Ponuangan om Standard Pambalajalan do modul diti do Taksonomi Mokinogou Lund (1990). Poinga'an om pambalajalan do modul mokinongou om moboros nopo diti nga' poinfokus do maganu, mongompuri om manahak tisuli' kumaa koilaa id bahan di norongou toi ko' nokito. Suai ko' mantad dilo' pongia'an om pambalajalan do modul diti nogi' manahak panatalan kumaa popoigkawas do kabaalan popolombus boros, ayat, ponuhuan, susuyan, kopoilaan, koilaan id rencana om aktiviti mikomunikasi miagal ko id pibarasan, pogibaabaran id tinimungan om nogi' maya' aktiviti kapabantaan.

Poinsuang nopo do Standard Ponuangan do Modul diti nga' kokomoi do koilaan monimung koilaan om manahak tisili' di kotunud kumaa do koilaan dii. Suai ko mantad dilo' kabaalan miintoraksi om mikomunikasi lisan nga' poinsuang nogi' id modul diti.

Montok momodimpot do kabaalan di noulud id Standard Ponuangan ngaawi' dilo', nowonsoi iso' nuyudan Standard Pambalajalan di mositi no do poia'an do mongingia' kumaa tangaanak id Tingkatan 3. Mositi noogi' do inoboson do tangaanak o Standard Pambalajalan ngaawi' diti. Poinsuang nopo do Standard Pambalajalan do Modul Mokinogou om Moboros montok Tingkatan 3 diti nga' kokomoi do kabaalan monimung koilaan mantad mogikaakawo tuni, ayat om teks parangahan. Aktiviti mongompuri, manahang om manahak tusili' di kotunud nga' haro noogi' poinhanggum id Standard Pambalajalan Tingkatan 3. Aktiviti miintoraksi om mikomunikasi lisan nopo montok do Tingkatan 3 nga' popolombus pibarasan, ponuhuan, tangon om ponurubungan.

### Kabaalan Mambasa'

Pinosongdiu o ponguludan do Standard Ponuangan om Standard Pambalajalan do modul diti o Taksonomi Bloom i noulud kawagu di Anderson & Krathwohl (2001). Poinga'an om pambalajalan do modul mambasa' nopo diti nga' manahak fokus kumaa kabaalan tangaanak do popolombus boros (decoding), kalantasan mambasa' om pongorotian komoyon boros om koilaan. Suai ko' mantad dilo' pongia'an om pambalajalan do modul diti nogi' manahak panatalan kumaa kopongkawasan do toilaan tangaanak om nogi papasandad do strategi mambasa' montok mangarati' om monginonog do koilaan id teks di basa'on.

Poinsuang nopo do Standard Ponuangan do modul diti nga' kokomoi do kabaalan popolombus boros, ayat, frasa om teks miampai momoguno do pomoroitan om loyuk di kotunud. Suai ko' mantad dilo' haro nogi' kabaalan mongilo suang do teks miagal ko' mongilo komoyon boros, monoinu' om moningu' koilaan om mesej id teks. Montok kopongorotian di lobi akawas, pinaharo o kabaalan popolombus kawagu do koilaan id teks pambasa'an om mogiolon-olon toilaan kokomoi teks, uhu, ahal toi ko' kobolingkangan id teks di nabasa'. Kininaru do 80 gisom 180 patod boros o teks di basa'on do tangaanak montok do Tingkatan 1-3.

### Kabaalan Monuat

Pinosongdiu o ponguludan do Standard Ponuangan om Standard Pambalajalan do modul diti do Prinsip Pongia'an om Pambalajalan Kabaalan monuat. Pongia'an om pambalajalan do modul monuat nopo diti nga' manahak fokus kumaa kabaalan do tangaanak do momonsoi ponuatan di kotunud om olinuud, katangkasan monuat om kabaalan momonsoi mogikaakawo teks montok mogikaakawo kohuboyoon.

Poinsuang nopo do Standard Pambalajalan do modul diti nga' aktiviti momonsoi mogikaakawo ayat, mongulud idea montok pamansayan pangaan om teks om noogi' montok pamansayan do mogikaakawo teks miagal ko' diskriptif, naratif om teks di manahak pomusarahan. Teks kifomat nopo di poia'on kumaa tangaanak id Tingkatan 3 nga' miagal ko' ponuhuan, surat, rencana om ponurubungan. Suai ko' mantad dilo' poia'on nogi' o strategi momonsoi tangon. Kininaru do 80 gisom 180 patod boros o teks di wonsoyon do tangaanak montok do Tingkatan 1-3.

## Kabaalan Kolumison Boros

Pinoharo o Modul Kolumison Boros id KSSM diti montok manahak kosiwatan kumaa tangaanak sikul pintangaan do momoguno boros Kadazandusun id kohuboyoon di okreatif. Manahak nogi' o modul diti do kosiwatan kumaa tangaanak monoriuk, mongilo om monginlaab toilaan kokomoi do tinaru Kadazan om Dusun. Suai ko' mantad dii, kasakadai nogi' o pongia'an diti kumaa kopurokisan tangaanak di mogisuai-suai montok papapanggor pongorotian tangaanak kumaa teks sastara om tungkus koubasanan tinaru' Kadazan om Dusun. Pongia'an do modul diti nogi' kaanu papapantod pomogunaan kaapat-apat kabaalan boros; mokinongou, moboros, mambasa' om monuat maya' kapabantaan di okreatif.

Poinhanggum nopo id suang do Standard Ponuangan do Modul Kolumison Boros diti nga' kokomoi do kabaalan monoriuk om manahang do koilaan kokomoi do identiti tinaru, aktiviti monginlaab do toilaan kokomoi do tungkus koubasanan tulun mamasok, mongilo om manahak rekomen do toilaan sandad tinaru mamaamasok om popointutun do sawi-awi' koilaan diti maya' aktiviti kapabantaan toi ko' kapamansayan do luputan.

Pinosongiu do Domain Afektif do Taksonomi Bloom o ponguludan do Standard Pambalajalan do modul diti. Poinhaggum nopo do Standard Pambalajalan do Tingkatan 3 diti nga' popolombus kiaton, popoindalan ponurubungan montok mongilo ralan momonsoi om potensi do taakanon koubasanan, tiinumon koubasanan om basaan koubasanan, papanau ponurubungan montok monimung koilaan kokomoi koubasanan, kaadat-adato' om toilaan sandad do tinaru Kadazan om Dusun kokomoi mogkosusu, pongusapan om pongumoligan. Sawi-awi' koilaan di nosoriuk om notimung diti, posunudon do tangaanak maya' aktiviti kapabantaan, pokiikitanan om noogi' maya' pomansayan buuk skrap, poster om brosur.

Li nodii do tudukan do mongigia' o tangaanak do ralan poposodia' om papabanta do isoiso' kapabantaan. Li nopo koilaan di pabantahon do tangaanak nga' kokomoi do asil kalaja' projek toi ko' ponoriukan tinimungan maya' aktiviti popokito demonstrasi, om nogi' popoilo nunu i nowonsoi id buuk skrap, folio, lakaran, bukakak, kad, toi ko' brosur.

### Kabaalan Puralan Boros

Kabaalan Puralan Boros nopo nga' kokomoi do kogisaman do tangaanak momoguno Sistem Boros Kadazandusun di kotunud id mogisuusuai kohuboyoon. Panatalan nopo do pongia'an Sistem Boros id Kurikulum Boros Kadazandusun diti nga' koilaan momoguno Sistem Tuni, Sistem Ija'an, Sompuruan Boros, Pomoroitan Ginumu' om nogi' Tukadan. Suai ko' mantad dilo' onuan nogi' do panatalan koilaan momonsoi mogikaakawo boros om ayat.

Id kolimpupuson do Tingkatan 5, kaanu o tangaanak do momoguno do Sistem Tuni Boros Kadazandusun id lisan om Sistem Ija'an Boros Kadazandusun id ponuatan. Suai ko' mantad dilo, kaanu nogi' o tangaanak do momoguno mogikaakawo Sompuruan Boros, Kopomoroitan Ginumu' om Tukadan id lisan om ponuatan. Kaanu nogi' o tangaanak do momonsoi mogikaakawo boros om ayat di agramatis om olinuud.

Poinhanggum nopo id Standard Pambalajalan Tingkatan 3 diti nga' kabaalan monoinu' sistem tuni om sistem ija'an do Boros Kadazandusun, momonsoi ayat toomod, pongudio, ponuhuan om kotigagan miampai momoguno do mogikaakawo pola om nuludan nuludan ayat. Suai ko' mantad dilo', poia'on noogi' kumaa do tangaanak o kabaalan mogihum komoyon tukadan.

### Sistem Boros

Abaagi o sistem boros Kadazandusun id piipiro komponen: Fonetik, Fonologi, Sistem Ija'an, Morfologi, Sintaksis, Kopomoroitan Ginumu' om Tukadan. Oponsol do po'ia'on koilaan momoguno Sistem Boros kumaa tangaanak di minsingilo do boros Kadazandusun mooi do kaanu nodii o tangaanak do momoguno boros Kadazandusun di kotunud om oulud.

#### (i) Fonetik om Fonologi

Oponsol do posunudon kumaa do tangaanak o koilaan mamarait om popolombus boros miampai momoguno loyuk om kopolombusan di pointunud mooi do koilo o tangaanak do mamarait boros om popolombus ayat di pointunud. Oponsol o koilaan diti id Boros Kadazandusun mooi do kaanu dii o tangaanak do popolombus komoyon di kotunud kumaa tulun suai. Suai ko' mantad dii, oponsol nogi' o koilaan diti mooi do kaanu o tangaanak do mangarati' boros om komoyon do tulun suai id pilumaagan tikid tadau.

## (ii) Sistem Ija'an om Ponuatan

Oponsol kopio do posunudon kumaa do tangaanak o Sistem Ija'an Boros Kadazandusun mooi do kaanu o tangaanak do momonsoi ponuatan di pointunud om oulud. Id Sistem Ija'an minog do inoboson do tangaanak o piipiro aspek mooi do kaanu nodii yolo' do momonsoi ponuatan di poimpunong. Pointayad id siriba' diti, toinsanan aspek di oponsol do oilaan:

- (a) pimato Boros Kadazandusun
- (b) Sigot / '
- (c) / b / om / d / om / b / om / d /
- (d) vokal tanaru om diftong
- (e) konsonan on vokal noolos

## (iii) Morfologi

Morfologi nopo nga' iso' gana' toilaan di monoriuk pamansayan boros. Abaagi o aspek Morfologi Kadazandusun id 2 komponen: Sompuruan Boros om Pamansayan Boros miagal di okito id Jodual 5.

Jodual 5: Aspek di okito id Morfologi.

MORFOLOGI	
Sompuruan Boros:	Pamansayan Boros
1. Boros Ngaran 2. Boros Maan 3. Boros Ula 4. Boros Toguangon	<b>1. Struktur Boros</b> (a) Boros Sand <u>a</u> d (b) Boros Noolos  <b>2. <u>B</u>ontuk Boros</b> (a) Boros Mintootoiso (b) Boros Nosugku (c) Boros Misompuru (d) Boros Misaup (e) Pananda Wacana (f) Partikol (g) Tanda' <u>B</u> asa'

## (iv) Sintaksis

Sintaksis nopo nga' iso' ponoriukan kokomoi pamansayan ayat. Abaagi id 2 komponen o aspek sintaksis diti mugal di okito id Jodual 6.

Jodual 6: Aspek di okito id Sintaksis

SINTAKSIS	
Ponguludan Boros	Sistem Panandaan
1. Guas Ayat	1. Pananda Fokus
2. <u>B</u> ontuk Ayat	2. Partikol
3. Kawo Ayat	3. Penanda Timpu
4. Nuludan Ayat	

## (v) Kopomoroitan Ginumu'

Tinayadan tinimungan boros diti kisuang do boros di asaru' do oguno id pibarasan toi ko' id ponuatan om oponsol do inoboson do tangaanak ngaawi'. Sundung po do ingkaa, oponsol nogi' do poia'on do mongigia' o boros suai i au' nokosanarai id tinayadan diti miampai

tumanud tema toi ko' uhu di nokosuul id Standard Ponuangan. Kopomoroitan ginumu nopo nga' popiumbangan do Boros Ngaran Koizaai i popokito do ginumu'. Kiwaa 2 kowowoyoo' do kopomoroitan ginumu:

- Kopomoroitan Ginumu' Ointob
- Kopomoroitan Ginumu' Au' Ointob

## (vi). Tukadan

Poinhanggum no id tukadan o boros mikagos, poiradan om poniriban i oponsol do po'ia'on kumaa tangaanak mooi do kaanu nodii yolo' mongintutun om momoguno do tukadan id lisan toi ko' ponuatan montok popokito iso' ponginabasan do boros di takawas.

**Nota:** Montok popomogot do toilaan kokomoi Sistem Boros Kadazandusun kawasa' do momorujuk do buuk Puralan Boros Kadazandusun id Sikul i pinalabus do Bahagian Pembangunan Kurikulum, Kementerian Pendidikan Malaysia



## 1.0 KABAALAN MOKINONGOU OM MOBOROS

STANDARD PONUANGAN	STANDARD PAMBALAJALAN
1.1 Mokinongou montok mongompuri tuni boros.	<p>Kaanu o tangaanak</p> <p>1.1.1 Popisuai pomoroitan montok boros di kivokal tanaru (kimora) om kivokal toniba'.</p> <p>1.1.2 Monginomot tuni // montok</p> <p>(i) Boros nosugkuan –o id dohuri</p> <p>(ii) Boros guas i kisigot dohuri</p> <p>1.1.3 Popisuai tuni /b/ om /d/ id boros nosugkuan.</p> <p>1.1.4 Mongintutun pimato i atatak toi ko' koimbulai id isoiso' boros.</p>

STANDARD PONUANGAN	STANDARD PAMBALAJALAN
<p>1.2 Momoguno boros di kotunud id komunikasi lisan.</p>	<p>Kaanu o tangaanak:</p> <p>1.2.1 Mamarait boros di            (i) kimora om            (ii) kivokal toniba'</p> <p>1.2.2 Mamarait tuni // montok            (i) boros nosugkuan -o id dohuri            (ii) boros guas i kiwaa // id dohuri</p> <p>1.2.3 Popisuai om popolombus tuni /b/ om /d/ id boros nosugkuan.</p> <p>1.2.4 Popolombus boros i koolon tuni soira' atatakan toi ko' koimbulai pimato montok popointalang do rati'.</p>

STANDARD PONUANGAN	STANDARD PAMBALAJALAN
<p>1.3 Mokinongou montok maganu om mongompuri do koilaan mantad <u>b</u>ahan di norongou.</p>	<p>Kaanu o tangaanak:</p> <p>1.3.1 Mongilo kolomb<u>u</u>son loyuk di norongou mantad teks :</p> <ul style="list-style-type: none"> <li>(i) ponuhuan</li> <li>(ii) tangon</li> <li>(iii) sind<u>i</u>ng</li> <li>(iv) surat</li> <li>(v) rencana</li> <li>(vi) ponurubungan</li> </ul> <p>1.3.2 Monorisid koilaan di norongou toi ko' nokito mantad <u>b</u>ahan pongunsub.</p> <ul style="list-style-type: none"> <li>(i) boros</li> <li>(ii) ayat</li> <li>(iii) koilaan</li> </ul> <p>1.3.3 Popotolinahas komoyon mantad <u>b</u>ahan di norongou:</p> <ul style="list-style-type: none"> <li>(i) boros</li> <li>(ii) ayat</li> <li>(iii) koilaan</li> </ul> <p>1.3.4 Maganu koilaan mantad <u>b</u>ahan di norongou:</p> <ul style="list-style-type: none"> <li>(i) koilaan toponsol</li> <li>(ii) koilaan ponokodung</li> <li>(iii) Koilaan poinlisok</li> </ul> <p>1.3.5 Mongulud pomolingkuman mantad <u>b</u>ahan di norongou momoguno do peta pomusarahan.</p>

STANDARD PONUANGAN	STANDARD PAMBALAJALAN
<p>1.4 Manahak tisuli' kumaa koilaan di norongou toi ko' di nokito.</p>	<p>Kaanu o tangaanak:</p> <p>1.4.1 Mogiboboros montok popotolinahas nunu i norongou toi ko' nokito:            (i) tema            (ii) uhu            (iii) tonsi            (iv) isu</p> <p>1.4.2 Mogibooboros montok monompipi' koilaan di norongou toi ko' nokito.</p> <p>1.4.3 Miuhot om misim<u>bar</u> montok monokod isosio' ahal.</p> <p>1.4.4 Mongimuai om poposuul atag montok monolibam<u>ban</u> isoiso' isu.</p> <p>1.4.5 Popisuai koilaan mantad <u>b</u>ahan di norongou toi ko' di nokito.</p> <p>1.4.6 Monimung tonsi montok momolinkum koilaan.</p> <p>1.4.7 Popoilo koilaan di noompuri.</p> <p>1.4.8 Mokianu kointalangan montok popoing<u>d</u>alan do ponuhuan.</p>

STANDARD PONUANGAN	STANDARD PAMBALAJALAN
<p>1.5 Popolombus pomusarahan di opinto id komunikasi miampai momoguno boros di kotunud, ayat di agramatis on kobooboroso' di olinuud.</p>	<p>Kaanu o tangaanak:</p> <p>1.5.1 Papatantu' boros di kotunud montok gunoon id komunikasi lisan.</p> <p>1.5.2 Mogibooboros montok popotunud ayat di gunoon id komunikasi lisan.</p> <p>1.5.3 Momoguno kopolombuson loyuk di kotunud montok popolombus:</p> <ul style="list-style-type: none"> <li>(i) ponuhuan</li> <li>(ii) tangon</li> <li>(iii) ponurubungan</li> </ul>

## TAANG KOINABASAN KABAALAN MOKINONGOU OM MOBOROS

STANDARD PRESTASI	
TAANG KOINABASAN	KOINTALANGAN
1 Au' Kodonto	Kaanu monugut isoiso' boros toi ko' pibarasan. Momoguno boros Kadazandusun di au' poinggonop id komunikasi lisan. Au' kopokito kaparagatan momongo isoiso' buruanon toi ko' ponuhuan.
2 Songgisom	Kaanu popoboros do koilaan di kosudong miampai popokito kaparagatan do momoguno boros Kadazandusun di songgisom id komunikasi lisan. Kaanu popokito kaparagatan do momongo isoiso' buruanon toi ko' ponuhuan.
3 Giigina'	Kaanu popoboros do koilaan di kotunud miampai momoguno boros Kadazandusun di olinuud id komunikasi. Aparagat do momongo isoiso' buruanon toi ko' ponuhuan.
4 Awasi'	Kaanu popoboros do koilaan di kotunud miampai momoguno boros Kadazandusun di oulud om olinuud id komunikasi lisan. Kaanu popokito kabaalan mongompuri soira' maganu om poposunud kawagu koilaan. Aparagat do momongo isoiso' buruanon toi ko' ponuhuan.
5 Akawas	Kaanu popoboros do koilaan di opinto miampai momoguno boros Kadazandusun di kotunud, oulud om olinuud id komunikasi. Kaanu popokito kabaalan mongompuri om manahang soira' maganu om poposunud koilaan. Aparagat do momongo isoiso' buruanon toi ko' ponuhuan.
6 Nokoinuntu	Kaanu popoboros do koilaan di opinto miampai momoguno boros Kadazandusun di kotunud, oulud om olinuud id komunikasi lisan. Kaanu popokito woyo' pomusarahan di okreatif, okritis om akawas soira' maganu om poposunud do koilaan. Aparagat do momongo isoiso' buruanon toi ko' ponuhuan.

## 2.0 KABAALAN MAMBASA'

STANDARD PONUANGAN	STANDARD PAMBALAJALAN
<p>2.1 Popolombus mogikaakawo ayat om teks momoguno loyuk di kotunud.</p>	<p>Kaanu o tangaanak:</p> <p>2.1.1 Mamarait tuni // montok            (i) boros nosugkuan -o id dohuri            (ii) boros guas i kiwaa // id dohuri</p> <p>2.1.2 Popolombus mogikaakawo ayat momoguno loyuk di kotunud.            (i) Ayat toomod            (ii) Ayat pongudio            (iii) Ayat kotigagan            (iv) Ayat ponuhuan</p> <p>2.1.3 Popolombus mogikaakawo teks do alantas om otolinahas.            (i) Ponuhuan            (ii) Tangon            (iii) Sinding            (iv) Sruat            (v) Rencana            (vi) Ponurubungan</p>

STANDARD PONUANGAN	STANDARD PAMBALAJALAN
<p>2.2 Maganu om mongompuri koilaan mantad <u>b</u>ahan di na<u>b</u>asa'.</p>	<p>Kaanu o tangaanak:</p> <p>2.2.1 Monginomot tonsi mantad            (i) teks            (ii) <u>b</u>ahan pongunsub</p> <p>2.2.2 Popisuai koilaan mantad            (i) uhu            (ii) teks            (iii) <u>b</u>ahan pongunsub</p> <p>2.2.3 Monoinu' koilaan mantad <u>b</u>ahan grafik.</p> <p>2.2.4 Monompipi' tinimungan boros mantad teks di na<u>b</u>asa'.</p>



STANDARD PONUANGAN	STANDARD PAMBALAJALAN
<p>2.3 Manahak tisuli' kumaa koilaan di notimung mantad <u>b</u>ahan di <u>n</u>abasa'.</p>	<p>Kaanu o tangaanak:</p> <p>2.3.1 Momolinkum koilaan di noompuri momoguno peta pomusarahan.</p> <p>2.3.2 Momoguno koilaan dinoompuri montok poposogu' pomusarahan.</p> <p>2.3.3 Monoriuk kointalangan lobi kokomoi koilaan id teks pamb<u>a</u>saan.</p> <p>2.3.4 Mongintutun boros misulak.</p>

STANDARD PONUANGAN	STANDARD PAMBALAJALAN
2.4 Popoilo kawagu koilaan di nabasa'.	<p>Kaanu o tangaanak:</p> <p>2.4.1 Poposunud rati' boros di apangkal mantad teks di nabasa'.</p> <p>2.4.2 Poposunud            (i) tonsi toponsol            (ii) tonsi ponokodung            (iii) tonsi poinlisok</p> <p>2.4.3 Papadalin tonsi id bahan grafik kumaa linear.</p> <p>2.4.4 Momoguno bahan grafik montok poposunud kawagu mesej mantad teks di nabasa'.</p>
2.5 Monginonong koilaan id teks toi ko' bahan di nokito.	<p>Kaanu o tangaanak:</p> <p>2.5.1 Mogibooboros kokomoi woyo toluud mantad teks di nabasa' toi ko' id bahan pongunsub.</p> <p>2.5.2 Monginonong koilaan mantad teks di nabasa'.</p>

**TAANG KOINABASAN KABAALAN MAMBASA'**

<b>STANDARD PRESTASI</b>	
<b>TAANG KOINABASAN</b>	<b>KOINTALANGAN</b>
1 Au' Kodonto	Au' alantas do mambasa'. Kaanu momuhondom kawagu koilaan di nabasa'. Au' kopokito kaparagatan momongo isoiso' buruanon toi ko' ponuhuan.
2 Songgisom	Alantas do mambasa' nga' au' otolinahas o pomoroitan. Kaanu mamarati' koilaan di nabasa'. Kaanu popolombus do koilaan di nabasa' miampai popokito kaparagatan do momoguno boros Kadazandusun di potilombus. Kaanu popokito kaparagatan do momongo isoiso' buruanon toi ko' ponuhuan.
3 Giigina'	Alantas om otolinahas do mambasa'. Kaanu mamarati' om momoguno do koilaan di nabasa'. Kaanu popolombus do koilaan di kotunud miampai momoguno boros Kadazandusun di olinuud. Aparagat do momongo isoiso' buruanon toi ko' ponuhuan.
4 Awasi'	Alantas om otolinahas do mambasa' miampai kaanu momoguno layuk di kotunud. Kaanu popokito kabaalan mongompuri soira' maganu do koilaan di nabasa' om aparagat do momongo isoiso' buruanon toi ko' ponuhuan. Kaanu popolombus do koilaan di kotunud miampai momoguno boros Kadazandusun di oulud om olinuud.
5 Akawas	Alantas om otolinahas do mambasa' miampai kaanu momoguno layuk di kotunud. Kaanu popokito kabaalan mongompuri om manahang soira' maganu do koilaan. Kaanu popoboros do koilaan di opinto miampai momoguno boros Kadazandusun di kotunud, oulud om olinuud om aparagat do momongo isoiso' buruanon toi ko' ponuhuan.
6 Nokoinuntu	Alantas om otolinahas do mambasa' miampai kaanu momoguno layuk di kotunud. Kaanu popokito kabaalan mongompuri om manahang soira' maganu do koilaan. Kaanu popoboros do koilaan di opinto miampai momoguno boros Kadazandusun di kotunud, oulud, olinuud om popokito woyo pomusarahan di okreatif, okritis om abaal. Aparagat momongo isoiso' buruanon toi ko' ponuhuan.

## 3.0 KABAALAN MONUAT

STANDARD PONUANGAN	STANDARD PAMBALAJALAN
3.1 Monuat ayat di kotunud, olinuud om agramatis.	<p>Kaanu o tangaanak:</p> <p>3.1.1 Monugku boros miampai momoguno ija'an di kotunud.            (i) Boros nosugkuan -o id dohuri            (ii) Boros guas i kiwaa // id dohuri</p> <p>3.1.2 Momoguno mogikaakawo ayat id ponuatan.            (i) MSO            (ii) MSOO            (iii) MSO Timpu</p> <p>3.1.3 Popotunud pomogunaan do tanga' basa' di kotunud id pangaan.</p> <p>3.1.4 Momoguno boros pomolohou di kosudong id ponuatan.</p>

STANDARD PONUANGAN	STANDARD PAMBALAJALAN
<p>3.2 Momonsoi mogikaakawo ponuatan.</p>	<p>Kaanu o tangaanak:</p> <p>3.2.1 Momoguno format ponuatan di kosudong montok popolombus do isoiso' koilaan.</p> <p>3.2.2 Popolombus koilaan maya' mogisuusuai kawo ponuatan:</p> <ul style="list-style-type: none"> <li>(i) ponuhuan</li> <li>(ii) tangon</li> <li>(iii) surat</li> <li>(iv) rencana</li> <li>(v) ponurubungan</li> </ul> <p>3.2.3 Momonsoi ponuatan id piipiro pangaan.</p> <p>3.2.4 Momonsoi ponuatan montok:</p> <ul style="list-style-type: none"> <li>(i) manahak kointalangan.</li> <li>(ii) popointutun isoiso' ahal.</li> <li>(iii) monusui sorita' toi ko' kinantakan.</li> <li>(iv) poposogu' do atag montok monolibamban isoiso' kobolingkangan.</li> </ul>

STANDARD PONUANGAN	STANDARD PAMBALAJALAN
<p>3.3 Popolombus do koilaan di otolinahas om opinto maya' ponuatan di oulud, olinuud om agramatis.</p>	<p>Kaanu o tangaanak:</p> <p>3.3.1 Papatayad tonsi montok isoiso' uhu miampai momoguno peta pomusarahan.</p> <p>3.3.2 Momili' tonsi di kosudong.</p> <p>3.3.3 Popotolinahas tonsi di nopili'.</p> <p>3.3.4 Popogiroton tonsi miampai manahak poomitanan.</p> <p>3.3.5 Momili' pananda wacana di kosudong montok papapantod koilaan di polombuson.</p> <p>3.3.6 Momili' grafik di kosudong montok papapantod koilaan di polombuson.</p>

STANDARD PONUANGAN	STANDARD PAMBALAJALAN
3.4 Manahang ponuatan di nowonsoi.	Kaanu o tangaanak:  3.4.1 Monoinu' kosudongon do pangaan di nowonsoi.  3.4.2 Monoinu' koilaan di notimung mantad peta pomusarahan id ponuatan.  3.4.3 Momoguno partikol di kotunud id ponuatan.  3.4.4 Monoinu' om popotunud struktur ayat di au' agramatis.  3.4.5 Momonsoi ponuatan di oulud, olinuud om otolinahas.

## TAANG KOINABASAN KABAALAN MONUAT

STANDARD PRESTASI	
TAANG KOINABASAN	KOINTALANGAN
1 Au' Kodonto	Kaanu momoguno boros om ayat montok monuat id isoiso pangaan maya' ponguhupan do mongingia'. Au' oulud om au' ogonop koilaan di polomb <sub>u</sub> son id ponuatan. Kaanu popokito kaparagatan momongo isoiso' buruanon.
2 Songgisom	Koilo momonsoi ayat di tangasaanang. Kaanu momoguno tanda' basa' di kotunud. Kaanu mongulud tonsi om koilaan di kosudong id ponuatan. Kaanu popokito kaparagatan do kopomogunaan boros Kadazandusun di potilomb <sub>u</sub> s id ponuatan. Kaanu popokito kaparagatan do momongo isoiso' buruanon.
3 Giigina'	Koilo momonsoi mogikaakawo ayat. Kaanu momoguno tanda' basa' di kotunud. Kaanu mongulud tonsi id ponuatan. Koilaan di polomb <sub>u</sub> son awasi'. Kaanu popokito kaparagatan do momoguno boros Kadazandusun di songgisom id ponuatan. Aparagat do momongo isoiso' buruanon.
4 Awasi'	Koilo momoguno mogikaakawo ayat di kotunud id ponuatan. Kaanu momoguno tanda' basa' di kotunud. Kaanu mongulud om monguyad tonsi id pangaan. Kaanu popolomb <sub>u</sub> s do koilaan di kotunud miampai momoguno boros Kadazandusun di oulud om olinuud id ponuatan. Kaanu popokito kabaalan mongompuri soira' monguyad do tonsi id ponuatan. Aparagat do momongo isoiso' buruanon.
5 Akawas	Koilo momoguno mogikaakawo ayat di kotunud, oulud om olinuud id ponuatan. Kaanu momoguno tanda' basa' di kotunud. Kaanu mongulud koilaan om monguyad tonsi miampai pounayan di olojik id pangaan. Kaanu popolomb <sub>u</sub> s do koilaan di kosudong miampai momoguno boros Kadazandusun di kotunud, oulud om olinuud id ponuatan. Kaanu popokito kabaalan mongompuri om manahang soira' monguyad do tonsi id ponuatan. Aparagat do momongo isoiso' buruanon.
6 Nokoinuntu	Koilo momoguno mogikaakawo ayat di kotunud, ouluud om olinuud id ponuatan. Kaanu momoguno tanda' basa' di kotunud. Kaanu popolomb <sub>u</sub> s do koilaan di opinto miampai momoguno boros Kadazandusun di kotunud, oulud, olinuud om popokito woyo' pomusarahan di okreatif, okritis om akawas id ponuatan. Aparagat do momongo isoiso' buruanon.

## 4.0 KABAALAN KOLUMISON BOROS



STANDARD PONUANGAN	STANDARD PAMBALAJALAN
<p>4.1 Monoriuk om manahang koilaan kokomoi kointutunan tinaru (Identiti) Kadazan om Dusun.</p>	<p>Kaanu o tangaanak:</p> <p>4.1.1 Papapanau ponoriukan montok mongilo ngaran om guno do            (i) Tinunturu'            (ii) Rusap</p> <p>4.1.2 Mongintutun om popolombus do hiis koubasanan ; Taala' ala'</p> <p>4.1.3 Mogibooboros montok mongintutun rati' poimbida do hiis koubasanan : taala' ala'</p>
<p>4.2 Monginlaab toilaan kokomoi Tungkus koubasanan tinaru Kadazan om Dusun.</p>	<p>Kaanu o tangaanak:</p> <p>4.2.1 Papapanau ponurubungan kokomoi koubasanan tinaru            (i) kaadat-adato' minidu' pogun            (ii) Bobolian</p> <p>4.2.2 Mogibooboros montok popointalang koilaan di notimung.</p>

STANDARD PONUANGAN	STANDARD PAMBALAJALAN
<p>4.3 Mongilo om manahak rekomen kokomoi Toilaan Sandad Tinaru Kadazan om Dusun.</p>	<p>Kaanu o tangaanak:</p> <p>4.3.1 Mogihum koilaan kokomoi toilaan sandad tinaru id pongindopuan.</p> <p>4.3.2 Minsingkono' montok popointalang koilaan kokomoi toilaan sandad tinaru.</p>
<p>4.4 Momonsoi luputan montok koilaan di notimung kokomoi tinaru Kadazan om Dusun.</p>	<p>4.4.1 Popoluput do koilaan di notimung maya' :</p> <ul style="list-style-type: none"> <li>(i) kolaj</li> <li>(ii) brosur</li> <li>(iii) buuk tagayo</li> </ul> <p>4.4.2 Papabanta do koilaan di notimung miampai momoguno do media ICT.</p> <p>4.4.3 Momoguno mogikaakawo peta pomusarahan id pabantaan toi ko' id ponuatan luputan montok papapantod kointalangan.</p>

## 5.0 KABAALAN PURALAN BOROS

STANDARD PONUANGAN	STANDARD PAMBALAJALAN
5.1 Monorou koroitan om ija'an Kadazandusun.	<p>Kaanu o tangaanak:</p> <p>5.1.1 Monoinu' om momohulit tuni</p> <ul style="list-style-type: none"> <li>(i) /b/ om /<u>b</u>/</li> <li>(ii) /d/ om /<u>d</u>/</li> <li>(iii) diftong <ul style="list-style-type: none"> <li>a. ai</li> <li>b. oi</li> <li>c. ui</li> </ul> </li> </ul> <p>5.1.2 Monoinu' om popotunud pomogunaan ija'an montok boros di ki //</p>

STANDARD PONUANGAN	STANDARD PAMBALAJALAN
<p>5.2 Momonsoi mogikaakawo ayat di kotunud om olinuud id lisan om ponuatan.</p>	<p>Kaanu o tangaanak:</p> <p>5.2.1 Momonsoi mogikaakawo pola ayat.</p> <p>5.2.2 Momonsoi mogikaakawo ayat</p> <ul style="list-style-type: none"> <li>(i) mintootoiso</li> <li>(ii) misompuru</li> <li>(iii) misoungko</li> </ul> <p>5.2.3 Momonsoi ayat momoguno nuludan</p> <ul style="list-style-type: none"> <li>(i) Maan +Subjek + Objek + Objek</li> <li>(ii) Maan + Subjek + Objek + Timpu</li> <li>(iii) Maan + Subjek + Objek + Kinoyonon</li> <li>(iv) Adjektif + Objek + Maan + Subjek</li> </ul> <p>5.2.4 Momonsoi mogikaakawo ayat:</p> <ul style="list-style-type: none"> <li>(i) toomod</li> <li>(ii) pongudio</li> <li>(iii) ponuhuan</li> <li>(iv) kotigagan</li> </ul> <p>5.2.5 Momiadang om popotunud ayat i au' kotunud.</p>

STANDARD PONUANGAN	STANDARD PAMBALAJALAN
5.3 Momoguno tukadan id lisan om ponuatan.	Kaanu o tangaanak:  5.3.1 Mogibooboros montok mogihum komoyon do isoiso' tukadan.  5.3.2 Momonsoi ayat montok popointalang rati' do tukadan.  5.3.3 Manahak tukadan di kotunud montok isoiso' kinantakan.

**PANEL MINOMONSOI**

Sandra Logijin	Bahagian Pembangunan Kurikulum, KPM
Christopher Sugau	SMK Tenghilan, Tuaran
Melvin bin Sorungin	SMK Kolombong, Kota Kinabalu
Paulina Bagu	SMK Bandaraya, Kota Kinabalu
Werline Santor	SMK St. Peter Telipok, Kota Kinabalu
Winnie Augustine	SMK Sg. Damit, Tuaran

**NOKOGOMPIT MINOMONSOI**

Fidelis Mondohulu	SMK St. James, Tenghilan
Judith Miki	SMK Sg. Damit, Teghilan
Noumi Rumpod	SMK Tamparuli, Tuaran

**KOPONONGKOTOHUADANAN**

**Mononontuduk**

Dr. Sariah binti Abd. Jalil	- Pengarah
Rusnani binti Mohd Sirin	- Timbalan Pengarah (Kemanusiaan)
Datin Dr. Ng Soo Boon	- Timbalan Pengarah (STEM)

**Mononontuduk Editorial**

Mohamed Zaki bin Abd. Ghani	- Ketua Sektor
Naza Idris bin Saadon	- Ketua Sektor
Dr. Rusilawati binti Othman	- Ketua Sektor
Mahyudin bin Ahmad	- Ketua Sektor
Mohd Faudzan bin Hamzah	- Ketua Sektor
Mohamad Salim bin Taufix Rashidi	- Ketua Sektor
Paizah binti Zakaria	- Ketua Sektor
Norashikin binti Hashim	- Ketua Sektor









Bahagian Pembangunan Kurikulum  
Kementerian Pendidikan Malaysia  
Aras 4 - 8 Blok E9, Kompleks Kerajaan Parcel E  
62604 Putrajaya  
Tel: 03-8884 2000 Fax: 03-8888 9917  
<http://bpk.moe.gov.my>